

四庫全書

史部

欽定四庫全書

史部
萬壽盛典初集卷

八十九至
九十二

詳校官宗人府府丞臣寶光纂

編修臣程嘉謨覆勘

總校官知縣臣楊懋珩

校對官學正臣李巖

謄錄監生臣于時和

謄錄監生臣蔣繼勳

欽定四庫全書

萬壽盛典初集卷八十九

歌頌二十九

詞臣二十一

萬壽詩

五言排律二十韻

翰林院庶

吉

士

臣

劉於義

共仰文明代羣歌燕喜時六旬逢

聖旦千載屆昌期禹甸榮光燭堯封化日遲無為臻上

理有慶鞏宏基九氣凝

宸極和風發

睿思恩深兼覆載德盛作

君師豫順惟時邁謙尊每博咨仁心孚遠邇精意感神

祇早覩

皇威振威欽方略竒四征恢大業一統煥鴻規治水黃

淮奠蠲租雨露滋萬方皆樂愷庶物盡融怡益

快賢闢闢重令駿足馳幸生熙皞日永遂士民

私華祝傳衢壤嵩呼徹

殿墀黃童齋額手黎老各軒眉銅砌餘韶景瑤堦麗
暖曦自天申保定應地集純禧競上千秋鏡欣
稱百福卮從今千萬禩長誦九如詩

萬壽詩

七言古一首

翰林院庶吉士

臣潘允敏

太平天子秉乾綱，虹流電繞膺嘉祥。
照臨日月光四方，萬年玉曆開無疆。
五十二載垂衣裳，巍巍

至德超陶唐，宣昭邃學懸珪璋。

仁孝不匱孚穹蒼，庖羲大義探微茫。
象緯術數咸精詳，徧吹六籍之笙簧。
迺復搜輯名山藏，珠璣焜耀雲漢章。
龍蛇驅走鸞鳳翔。

郊壇肅穆升馨香山之祀典禮將祔以朱子升宮墻遐

陬燮伐

神武張蒐狩厲飭親戎行

翠華戾止露灑灑河渠底定波不揚

賜復蠲租愷澤洋時行賑貸安農桑引年屢

詔登虞庠四門式闢無留良郊遂一斤威令彰皇皇法

律嚴秋霜刑期無刑臻吉康柔遠人歸盡八荒

職貢職賦窮梯航宵衣旰食猶靡遑猗歟

至治疇能量
瑤樞紫極相輝煌
和風習習日載陽
花甲
初周春正長
自今以始壽而昌
千官萬國羣踰

蹌衢歌卷舞揚

恩光

小臣

幸廁鵷鷺旁
稽首拜手稱霞觴

欽定四庫全書

卷八十九

萬壽詩

七言律四首

翰林院庶吉士臣秦靖然

巍巍峻德頌陶唐
玉燭時調際

聖皇匝地恩膏流
率土敷天文
教洽殊方山川效順

王猷遠雲漢呈祥

帝道昌共慶長春佳節近
歡騰四海祝無疆

其一

流虹瑞氣滿春臺
樂奏鈞天進壽杯

寶曆從今周復始
鴻圖自此運方開
已聞華祝來陬澨

還覺高呼遍草萊萬國此時齊獻頌九霄雲日

慶昭回

其二

誕膺萬福是吾

皇敷錫還教及四方百職邀

恩光命服八紘籲俊煥文昌累看綠野甘霖渥共樂

彤廷化日長何幸

微臣逢

聖世普天俱沃

帝臺漿

其三

乾坤覆載總無私草木難酬雨露滋已覩添籌
綿歷數更思移算祝昌期輿情遠邁中天日景
運應超復旦時從此九如頻致詠春光常捧

萬年卮其四

--	--	--	--	--	--	--	--	--

萬壽詩

五言排律四十韻

翰林院庶吉士

臣田嘉穀

鳳紀貞元合

龍飛歲月長
勳華隆百代
道德娘三皇
寶運綿鴻曆
禎

符覲耿光執
中惟作極致
治自垂裳心
契河圖

秘胸羅石室
藏生知原濟
哲止敬愈顯
印廣扇

仁風溥均霑
膏雨滂兩儀
輝晝夜四序
協柔剛

座右題無逸
宵分問未央
璿璣釐歷象
律呂候

陰陽制作臻明備班聯挈紀綱訓詞存爾雅理
數析微茫廣運真難測淵泉詎易量文謨彌炳
耀武烈倍輝煌炎朔龍旗指東西虎旅揚翦鯨
清海甸驅蜃靖扶桑春豫時觀俗

宸遊為省方賑民頻發粟占歲屢蠲糧勅法雷兼電寬
刑露易霜闢門招俊乂咨牧重循良衆好因箕
畢休徵順雨暘平成連充豫底定竝淮黃元朔
頒槃瓠謳歌誦白狼明昭貽率育穎粟慶豐穰

駢秀呈黃茂雙岐擢翠芒成功昭簡冊殊瑞溢
縑緗甲子星周度春秋日正昌晴霞披組繡好
鳥和笙簧華嶽蓮新長瑤池桃始芳曛曩升旭
日沆瀣滿銀塘金奏鐘鏞合工歌磬管鏘上公
陳寶履重譯進華觴拜舞隨鵠序懽呼徹

帝閭

冲懷崇讓德

尊號却封章五紀持兢業羣工效贊襄

賜酺喧市里加幣肅壇場施惠租金給搜才網更張嘉
賓來鹿野吉士藹梧岡水滙東溟裏星環北斗

旁年年陳頌祝

萬壽永無疆

萬壽詩

五言律十首

翰林院庶吉士臣王時憲

聖主乘乾日車書萬國同

皇圖長鞏固

帝德正淵冲極建禎符集仁深福祿崇今纔周甲子馭

宇道方隆其一

雅化追隆古羣黎含哺嬉

廟堂真有道天地等無私旭日懸

金殿春風度

玉墀

臨軒頻問俗四海奏雍熙

其二

天文光的燦永永照寰區重道崇先聖傳經表碩儒

法書垂玉府

睿藻燦瑤樞

綸綍方頒賜齋心拜典謨

其三

赫濯

天威遠

皇居氣自佳山川環禹甸千羽舞虞階重譯爭朝請殊

方久畏懷豐碑記

神武不忘舊摩崖

其四

湛恩同覆載百族荷陶鈞航海歸

王化梯山進國珍萬方咸戴

德九土自生春引領瞻天上繁星拱北辰

其五

聖朝嚴舉錯

欽定四庫全書

萬壽盛典初集

十

乾斷肅官聯總為生民計頻將德意宣大臣皆守法下

吏永無愆蕩蕩平平世羣瞻尺五天

其六

兌悅兼離照清時實右文

一人恩似海多士氣如雲

聖訓銘金石

鴻篇娘典墳儒庠禎瑞叶佳氣自氤氳

其七

制科頻廣額寒暖共騰歡春浪成鱗甲秋風振

羽翰有才誰蠖屈羣彥自鵬搏

萬壽天門闢重蒙策治安

其八

養老頒仁政無殊上下庠高年分帛肉

溫旨出巖廊安燠裁衣著鮮肥正席嘗普天呼

萬歲化日正舒長

其九

主德高無極

宸衷承以謙照臨齊日月惠化及蒼黔花發春方暖山

呼瑞早占從今億萬載長慶海籌添

其十

--	--	--	--	--	--	--	--	--

表
六
六

萬壽賦

翰林院庶吉士臣王時憲

我

皇御極五十有二年三月中浣乃甲子初周之期也夫

祥光騰於

紫殿瑞氣霽於

丹墀頌九如者合九陔而畢至呼

萬歲者盡萬姓而交馳多富多壽多男允為昔聖所未

有得位得名得祿皆由大德以致之瞻

王道之平平蕩蕩幸民風之皞皞熙熙此蓋大業遠超
千古而繁祉咸集一時者也然而純嘏則本於
天錫至治更開於人和

君心昭格天心宣室有受釐之兆

帝德聿新民德康衢來擊壤之歌旰食宵衣堯階每生
瑞草箕風畢雨禹甸徧產嘉禾喜篝車之既滿
羨稔黍之復多觀其築場納稼也弱子寡妻遽

多色笑觀其飲蜡吹豳也黃童白叟竝見顏酡
而且桑饒沃葉柘茂交柯南陌春風盈盈攜管
西郊夜月軋軋拋梭蠶餘八繭絲足五紵固已
豔奪天孫之錦紛披越女之羅矣若夫紫綬拖
所以寵貴客黃衣錫所以禮高年野婦績於室
村夫力於田牧童常吹隴上之笛戍兵免控塞
外之弦占年有雪紀瑞非煙長綿寶曆永廣幅
員今者伏遇

聖節之攸屆乃見衆志之至虔焉斯時也內則派出天
潢朝宗有自恩隆戚里矢報靡窮外則大小諸
臣咸遊化日庸愚百姓均沐休風近則十五省
懷仁慕義之流皆知愛戴遠則千百國航海梯
山之輩竝切尊崇是以輸誠惟恐夫稍後備物
不妨於或豐夫自

帝城以至

御苑爰構黃棚以造蒼穹製麗錦以作

殿結彩繪而為

宮徧植四時之花開皆頃刻忽種數尋之樹氣便鬱
蔥亭則肖夫圓蓋橋則類夫垂虹十二里錦幄
參差光飛璀璨數百丈花屏宛轉影映玲瓏徧
處笙歌隱隱聽鈞天之雅奏連宵燈火行行如
元夜之紗籠市列多珍來去公卿欣對百代流
傳之清玩肆羅異物嬉遊士女驚為千載難得
之竒逢珠帽錦衣不叱牧豎擔夫之相混香車

寶馬頻塞長堤廣陌而難通然此止言郊外而尚非城中也至若

金闕大觀玉街全盛望而可悅即而生敬論繁華則百戲具陳語莊嚴則諸方清淨飭寶刹為誦經之所鐘魚佛號同宣創崇臺為演劇之場簫鼓仙音互競千重樓閣雲雖高而勢欲相凌百尺幢幡風雖微而影終不靜舉鞭數之未得清走馬看之豈易竟雨灑則晝絕纖埃月出則宵懸

明鏡異香從天上飛來竒彩豈凡間得竝羣麝
萬壽之無疆共賴

一人之有慶於是天下效高呼興華祝集錦羈攢鈿轂
旂標省會之名簡題進獻之目貫珠成幃影現
光華鏤玉為亭香飄芬馥萬方貢物連旬得以
縱觀羣彥頌言累月難於卒讀我

皇之進宮也九州童叟向

鑿輅以跪迎尊親出自至性瞻雲就日以見徽忱我

皇之升殿也萬國衣冠對

玉陛以拜颺忠愛發於至誠頌德歌功而綿景福普天
率土孰不感

君恩儋爵析圭疇不享天祿是以瞻

儀仗則億兆歡欣望

宮闕則臣工肅穆迨

綸音大沛於廟堂而祀典方隆於嶽瀆異數必先於薦
紳湛恩不遺於部屋紫泥丹誥不止及身之榮

也而先後並邀夫寵榮錫復蠲租固為良民之慶也而愚頑且寬其刑剝科添鄉會多士盡荷甄陶賜徧耆英三老咸蒙樂育

帝德之積累殊深天和之感召自速花甲周而萬年之觴既盈麥秋近而四郊之雨旋足歲功成則民望納禾農務興則鳥催播穀方喜兌澤之無愆早知豐歲之可卜猗歟休哉此真盛不可逾美不勝錄也乃拜手而為之頌頌曰

聖人篤生膺歷數兮昊天予之永眷顧兮首重穡事五
穀樹兮山田慮旱甘霖注兮水村憂滂旭日煦
兮多黍多稌倉箱裕兮民隱是恤寬徭賦兮異
域向風爭內附兮欽惟我

皇福祿聚兮億萬斯年綿

國祚兮

萬壽詩

七言律八首

翰林院庶吉士臣朱綸

太平宇內艷陽時

宮啟蓬萊獻壽期
華祝三多依

黼座嵩呼

萬歲徹

丹墀芝生

玉殿祥雲繞
堦長

瑤階淑景遲幸忝鶴班隨舞蹈涓埃慙未答

洪慈 其一

紫鳳丹麟獻瑞頻鬱葱佳氣擁

楓宸九疇自昔尊

皇極萬物於今覩

聖人德茂普天賡復旦仁深率土慶長春試看風動時

雍日擊壤聲中景象新 其二

日月光華仰照臨緝熙遐邇識

君心昭回共見

天文炳乾惕從知

聖敬深南極一星隨

帝座東風百卉發華林長調玉燭禎祥集國史煌煌耀

古今 其三

皇衷無逸著丹文

帝德淵深在克勤物阜民安

恩早徧

欽定四庫全書

萬壽盛典初集

六

宵衣旰食慮猶殷
平成績與天心合
大小才憑

睿鑒分祝嘏

彤墀春正暖
坐調玉軫奏南薰

其四

春滿

皇都淑氣和溶溶
太液湛恩波八紘
向化車書盛四海

昇平雨露多

文德覃敷成禮樂

武功者定戢干戈
祥煙篆結雲璈叶
拜手齊賡大雅歌

其五

太和洋溢徧昭宣壽域弘開紫極懸解慍阜財

依

舜日耕田鑿井樂

堯天好生每下祥刑

詔給復頻書大有年久道化成志

帝力春風處處聽揮絃

其六

浩蕩如天沛湛恩農民歌舞徧村村紫泥封處

宸章賁

丹詔宣時

帝語溫

北闕榮光分部屋南山瑞氣滿

天門

臨軒俯採風謠徧奏雅吹幽頌

至尊

其七

盛典躬逢樂未央臣民歡忭效趨蹌萬方玉帛瞻

宸扈億兆梯航覲

帝光道契至誠原不息壽徵悠久自無疆寸心葵向何

由極敬進仙人九醞觴其八

萬壽詩

七言律四首

翰林院庶吉士臣徐雲瑞

寰宇昇平寶曆綿千秋萬歲戴

堯天仙璫樂奏南山外法醞筵開北斗前律應和風春
似海祥迎昌運福如川臣民盡在康衢裏拜手

同賡獻

壽筵

其一

帝德巍巍被海隅特傳心契闡疇圖雲開雉尾聞

天語香熟龍涎繞

御爐仁壽兩間盈淑氣升恒千載握真符蒼生比戶豐

亨象皆沐層霄大澤濡

其二

鳳城魚鑰啓瞳矐穆穆

垂裳坐合宮航海梯山重譯至塗歌巷舞萬方同光騰
玉陛丹霞上露滴金莖瑞靄中詞苑小臣如雀躍盡隨

鵷鷺競呼嵩

其三

應運乘龍

御九垓星懸雲漢巨昭回還占甲子三千衍自叶貞元
八百開鶴算真同天地永鴻禧直闢混濛來

恩膏養育無遺物草木長滋雨露培

其四

萬壽頌有序

翰林院庶吉士臣馮汝軾

臣聞聖人御世大德在躬大功及物則罄宜受
福享國久長上格天心下孚民志而萬壽無疆
之休皆操自一己為理數所必應非偶然也唐
虞三代賢聖之君莫不敬天勤民享有大年詩
書所紀歷歷不爽我

皇上德盛功宏為隆古帝王所莫逮萬物得所百福攸

宜久道化成與天地同悠久茲當六旬

萬壽之期甲子初周敷天率土罔不欣喜百寮萬民恭

崇

顯號虔請

慶禮而我

皇上聖度彌謙德大不居功大不伐不欲侈陳貞瑞崇

尚虛文顧我

皇上自開天立極於今五十有二年

聖德神功昭布宇宙凡有知識咸知頌揚

臣伏見我

皇上尊先聖崇真儒闡明道統訓士育才則文治宣焉
釐正臣工獎勵廉法知人如神舉措至當則吏
道肅焉蠲租罷稅省刑肆赦則仁惠溥焉刊山
導河疆理溝洫則民業安焉敬老引年揚善闡
幽則雅化茂焉禮河望嶽慎修祀典則神貺昭
焉德如此其巍蕩也中外一統覆幬歸仁幅員
之廣準符天度往者殲除三逆神州以寧勦滅

臺灣海隅以靖蕩平漠北荒服以歸三苗來格
尺土皆臣南交西燹之倫烏弋黃支之隸望星
受吏懸度來藩者歲無虛日功如此其弘偉也
功大則禮備德盛則樂具禮樂之義通乎神明
天清地寧民和物阜既位既育卜歷斯長其在
於詩天保所詠如岡如阜日升月恒者舉不足

賡揚

聖算之萬一則我

皇上之萬壽無疆自今伊始臣遭際昌期歌詠盛事追
隨詞臣之末敬撰

萬壽無疆頌十二章章十二句獻之

闕廷頌曰

帝受天命撫茲下民範圍八極經緯三辰穆穆

聖皇保佑重申申之自天歷數無垠惟仁斯壽惟聖斯

仁仁壽之域元氣如春其一

皇帝御宇九域同居斗南斗北翠幕舒舒黃龍白雉澤

馬器車貢道匪遠共此扶輿苗頑于羽荒服車
書大哉一統混然古初

其二

帝德廣運合天地貞合天之道曰敬曰誠久而不息廣
大高明堯咨舜傲惟一惟精心傳道脈集聖大
成德與天合至哉無名

其三

道惟天縱

學本生知圖書河洛妙契庖羲天人一貫作君作師千
聖之統

聖躬肩之

聖能知聖道始無歧惟子朱子崇祀清時

其四

聖人圖治永慎成功恢恢乾紐握自

宸衷朝日中畏其勤

法官恤民間俗蒸髦觀風六樂乃奏五禮攸同一日二

日寧曠天工

其五

萬幾清暇

天章聿煥雅頌典謨炳耀雲漢鳳羽龍鱗供茲

宸翰元氣元音為文字冠書編四庫筆給三館一字之
安欽哉

睿斷其六

覃敷文教豈弟作人

天子制誥經術日深三物六行用淑其身維川有英維
嶽有神羅而致之野無秀民多士濟濟如星拱
辰其七

廟算神謀耆武維烈動若風行亦如電制真有鷓鴣彼

翻之折閩粵有狐彼穴之抉海鯨塞狼牙拔尾

紕孰敢不庭來歸則悅

其八

皇王用人如臂運指百爾君子惟

天子使文臣之驟有左右史盧矢彤弓戎行亦喜激之

揚之不廉者恥臣哉鄰哉以喜以起

其九

帝平水土河流既瀦口咨手畫成河渠書淮揚涿灞誰

復其魚

帝勞於邁民逸厥居有橈有輶河伯徐徐河伯恭

命連漪如初 其十

上帝好生我

皇協帝小民之命

大君之惠租賦是蠲動億萬計不辜是矜胥脫於繫如
天之仁萬物利濟鼓腹而歌羣遊

聖世 其十一

巍巍乎天雲星風雨
巍巍乎

帝神聖文武日精月華
乾規坤矩占厯

當陽乘時

位午萬國來朝式歌且舞

天子萬年受天之祜

其十二

萬壽盛典初集卷八十九

欽定四庫全書

萬壽盛典初集卷九十

歌頌三十

詞臣二十二

萬壽詩四言一首

翰林院庶吉士臣鄂爾奇

維天則清維地則寧維

聖一之無為而成

聖人之生光昭萬古三才以參五德以伍祥紀慶雲靈

應華渚恭惟我

皇翼翼聖敬撫茲下民仁育義正德實性成道則天縱
澤被萬方厚生利用在昔九土僭濫猶多滇南
漠北戾氣違和

王師戡定永戢干戈山祇效順海不揚波黃支烏弋
靡敢為他於昭

聖武丕顯

皇猷克勤克儉曰哲曰謀

九重端拱六合胥周調元順化莫知其由夙夜維新厥
惟詩書周情孔思舜典禹謨為性為命實別其
區大哉乾元用契其符自彊不息文德覃敷彼
草有芝鳥有鳳凰凡茲動植猶兆嘉祥矧我臣

庶日覲

恩光華封有祝維壽且康緊昔聖神制為甲子為萬為
億紀以六十

聖人得之永以御世如環無端周而復始日之升矣月

之恒矣我

皇壽考不以歲紀凡在宇內如物蒙春匪曰頌祝各獻
其忱萬年

昌運三月嘉辰

睿算無疆壽我斯民

萬壽詩 七言律六首

翰林院庶吉士臣覺羅名昌

昌時三月物華新繞電流虹叶令辰聲動嵩呼
開雉尾班齊華祝近龍鱗赤光上燭千門燦紫
氣平浮萬象春賞葉全舒桃勝錦總迎

丹陛擁靈椿 其一

萬年枝暖蔚青蔥長映彤霞煥爛中翡翠旌旗
排禁柳琳琅珂珮簇宸楓

瑶圖凝極春秋盛

寶歷延綿福履崇岳牧拜颺懷

聖德金泥芝檢紀洪功 其二

禧凝天保頌無疆壽域弘開被八荒瑞應禎符
彌海嶽歡騰歌舞合梯航候逢澹蕩和風扇景
際休明麗日長聽徹九霄稱

萬歲年年齊奉紫霞觴 其三

咸謨韶濩奏鈞天控鶴駮鸞集列仙五嶽圖懸

丹闕上十洲賦獻

紫宸前星明南極連珠緯序應東皇啟

御筵縹緲琅璈諧寶瑟卿雲影裏祝

堯年

其四

景運中天百福來鴻鈞旋轉象昭回恒春樹蔭

瑤階茂長樂花隨綵仗開浩蕩恩波涵太液沖

融御氣霽蓬萊

一人有慶歌昌熾風動時雍徧九垓

其五

紫禁初聞曉漏聲
千秋令節賀昇平
天家慶洽宜春苑
朝列歡臨不夜城
身惹

御香依玉案

恩霑湛露捧金莖
小臣恭上升恒頌願比葵心向日傾

其六

萬壽詩

五言律十首

翰林院庶吉士臣陶貞一

萬壽貞元日三春長養時鴻圖開

聖運

國祚永昌期北斗龍杓近東皇鸞輅隨五雲佳氣合

草木盡華滋其一

天縱生安聖猶勤稽古功典墳資左右道德貫鴻蒙馳

馭崆峒外探書委宛中惜陰符禹志行健本

宸聰 其二

至孝光天壤推恩逮下民

深仁頻解網

厚澤每輸困原隰桑麻徧園扉雨露勻歡心同萬國含

氣識尊親 其三

誰謂堂階隔

離明照萬端治惟求悃愾事勿避艱難細善都兼錄遐

取敢自寬法庶咸奉

訓比俗共眠安

其四

自昔河渠重橫汾
陋漢皇指麾勤日馭
擘畫靜瀾狂貢已輸
天外居還奠海疆
東南悉安堵

端拱坐明堂

其五

塵掃諸方靖
天開九域全
三驅清朔漠
一夕捲烽煙
崑水流源遠
秋風唱凱旋
從來弘

廟算高邁百王前

其六

睿藻昭雲漢
紛綸配典謨
不須游夏贊
合與日星俱
金

鏡開千載珠囊攬八區

國門懸述作簪筆仰型模

其七

開科賢禮重廣額

聖恩偏曠典垂千禩聲名被八埏珊瑚懸鐵網珠玉採
沉淵四海車書合衣冠賀

萬年

其八

盛德敷隆治禎祥集

聖躬卿雲瞻化日春樹動和風位育乾元合

君臣一體同太平真有象處處祝華封

其九

當陽逢泰運品物荷陶甄神嶽徵符瑞靈椿紀
大年謳吟塞寰宇繪畫負坤乾祇竊風人義長

歌天保篇

其十

欽定四庫全書

卷九十一

七

萬壽詩

五言排律二十四韻

翰林院庶吉士臣李鍾儔

禹甸金甌固

堯年玉曆長蒼龍初建斗

紫極正當陽一氣洪鈞轉三才治化彰泰階符久奏景
運祿方將兌澤深江海乾維肅紀綱高卑陳禮
樂奎壁兆文章四表山河壯中街日月光休徵
綏福祉美報卜康彊宿耀聯珠景川呈五采祥

協風調竹律瑞草秀芝房綵列春城仗花開

御苑芳連甍鋪錦繡匝地沸笙簧絳縣騰三祝嵩呼徹
萬方負暄芹可獻擊壤力難忘喜溢都人士

恩流薄海疆慶霄霏沆漑湛露滴汪洋聲教彌重譯威
靈暢八荒授時頒歷朔職貢集梯航戴日知葵
向瞻雲望羽翔卷阿同壽愷喜起共賡揚錫福
歸

皇極朝

天輯未央何由窺

帝載竊幸仰穹蒼
綿祚滋純嘏弘休
永莫量願從鸞鷲
末共進九霞觴

萬壽詩

五言排律四十韻

翰林院庶吉士臣許鎮

帝御鴻圖遠天開景祚長東瀛凝瑞靄南極耀星芒赤

電徵生

聖榮河喜降祥萬邦逢泰運早歲握乾綱化日光千禩
春臺普八荒簡編曾未覩蠡管孰能量明旦勤
齋拔

郊壇薦璧璜百神咸受秩大祀必

親將忠厚惟由舊艱難豈暫忘瑤函修繼述金祀肅烝
嘗丹液晨調膳瓊膏晝捧觴孝能字遠邇學更
徹微茫默會丘墳秘精研河洛藏立言垂琬琰
考古集縑緗筆蘊三辰秀書含二曜光鴻辭追
典誥雅韻叶宮商

天上奎文煥寰中

聖武彰龍旂收朔漠虎旅定西羌海嶠烽煙淨蠻溪瘴
雨涼太平波浩蕩至治澤汪洋屢發神倉粟頻

蠲比戶糧省耕勤命駕問俗遠乘航夾道鶯花
麗隨車雨露香歡呼迎

綵仗拊舞奉壺漿穀帛高年賜風謠太史賜懸旌興
士氣祝網布春陽疏淪勞神算經營立巨防河
流承捷竹淮水靜陂塘再見平成績恒貽樂利
慶和聲鶯出谷翮羽鳳鳴岡額俊門常闢掄才
網徧張膠庠多選彥巖穴解留良薄海風胥洽
中天運正昌松軒雲謁謁琪樹露瀼瀼日麗金

莖掌風和白玉堂謙冲還讓善恭儉自垂裳昌
熾今伊始升恒樂未央嵩呼儀肅穆韶奏韻鏗
鏘桃獻千年實芝呈萬歲芳願將天比壽長共
戴

君王

萬壽詩 七言截句三十首

翰林院庶吉士臣俞鴻圖

九重宮闕影瞳矐春曉紅雲

玉仗中拜舞盈廷歌

聖壽萬年寶曆日初東 其一

晉天率土被

恩濃窮髮均傳玉帛供珍重蒼生高祝意

聖朝何處不華封 其二

東海仙人列綵幢
西山爽氣映瑤窗
弧南星出

當

金殿斗北漿流泛玉缸

其三

妍暖風光淑景移
萬年枝上日遲遲
春臺共慶

昇平福中禁新傳樂愷詞

其四

祥凝五曜固三微

睿慮猶勤在萬幾
舉世盡臻仁壽域
羲皇以上見應稀

其五

鳳蠟中宵照讀書丹經綠筍繞

宸居圖疇自有長生訣天保無勞頌九如

其六

乾坤上瑞叶貞符刻玉何曾泰岱趨若使風雷

探秘冊鴻蒙闢後鞏璇圖

其七

紛紛鑿齒與雕題歡上

彤墀雜拜稽也學繁星爭拱極

君王禔福與天齊

其八

西苑沙平淨

御街華燈錦幔入林排千官拜舞迎

仙仗一片宮雲罩綠槐

其九

濟濟龐眉介

壽來九衢歡笑沸如雷就中獨有方瞳客預喜他時到

萬回

其十

鳳紀曾看爛熳春扶輿品物樂鴻鈞年年三月
鶯花裏開徧羣芳祝

聖人

其十一

阿閣威禽六翼文郊椒仁獸五蹄羣

盛朝瑞應紛難紀又有金芝出五雲

其十二

大地霑濡浩蕩恩慇懃父老話深村願將四海
無窮算輸與天工奉

至尊

其十三

畫鼓朱旗出上關

天家令節許人看千重瑞靄連金闕百轉流鶯擁

玉鑿

其十四

鳳詔頻看異數頒無窮膏澤播人寰

恩波汪濊真如海浩瀚長流四極間

其十五

萬壽科開益榜懸十年一度例求賢杏花才唱嘉賓句

桂苑旋逢燒尾筵

其十六

花宮祝

聖異香飄寶樹祥煙燭絳霄禮徧金仙無量壽梵音處

處雜簫韶

其十七

厚澤鴻鈞六宇包爭看木鳳下螭坳唐虞時節

雍熙象那得如今徧樂郊 其十八

列仙同日響雲璈鸞鶴廻翔

黼座高為說綏山好花實相將新試摘蟠桃 其十九

馳道芊綿長碧莎偏承

玉輦此經過由來瑞氣加纖卉倍較他時翠色多 其

二十

仙液華腴色勝霞菖蒲九節樹三花太平內宴

多珍異不數安期棗似瓜 其二十一

九階三陞集冠裳雉扇鷄翹帶曙光仗得

至尊餘景福

彤墀長此效賡颺其二十二

請崇鴻號愜輿情

聖德謙冲未許行草野漫思歌

帝力如天自古莫能名其二十三

深宮宵旰萬方寧瑞應時時滿

禁庭向曉宮爐煙裊處結成寶篆字長齡其二十

四

紫微佳氣日升騰
靄靄晴光碧宇澄
遙向珠躔

觀法象泰階南極
盡祥徵
其二十五

蓬萊水外閭風樓
宮闕金銀煥十洲
中有仙人

臨海屋每逢

聖算為添籌
其二十六

寶月光含卍字深
人天萬古永欽心
九州要識

當今佛手握金輪
盡照臨
其二十七

巽風解雨徧

恩覃萬有含生盡樂湛莫不尊親戴

高厚清寧定位獨參三

其二十八

聖朝喜起及堂庶四海蓬茅慶養恬令德宜民受天祐

萬斯年祿

一人兼

其二十九

鳳凰池上著朝衫染翰鳴珂少長咸身際勲華

觀上壽長依鷺序捧芝函

其三十

卷之三十一

十一

萬壽盛典初集卷九十

欽定四庫全書

萬壽盛典初集卷九十一

歌頌三十一 詞臣二十三

萬壽詩 五言律十首

翰林院庶吉士臣何應鰲

四海昇平日千祥會集時

皇圖綿寶曆

帝祚永鴻禧甲子周方始貞元運在茲微臣欣拜手天

保擬陳詞其一

天縱多能聖以開有道長授時齊歷象敷土奠金湯理
闡義文奧光增孔孟堂

萬幾清晏暇揮灑麗奎章其二

郊社升香肅然嘗薦豆虔巍巍光嶽峙霽霽慶雲聯源遠宗
功茂流長世德綿天人同感應誠敬萬方傳其三
聖孝高千古

皇仁式九圍婉容承色笑愷樂布光輝玉液陳春殿金

巖燕瑣闈太和同保合淑氣正芳菲

其四

禮樂京華盛聲名海甸遙梯航來萬國干羽格
三苗共仰文心燦還看兵氣銷不矜弧矢利九

奏叶簫韶

其五

臨軒咨吏治入境採民風舉錯歸

乾斷甄陶仰化工閭閻敦禮讓岳牧盡和衷朝野騰懽

日岡陵祝

聖躬

其六

已慶羣生遂尤思

大澤深屢施寬賦令時廛下車心覆載同天地裁成邁

古今薰風能解愠長拊五絃琴

其七

草野安耕鑿膠庠著典型籍田勤秉耒講席重
譚經大地滋甘雨中天見德星萬邦歸教養喜

起軼虞廷

其八

崇儉財恒足垂

恩賜每頻彤弓歌屢奏湛露燕長新粟帛優耆老衣裘

逮下臣

盛朝熙皞象同享太平春

其九

聖神文武后蕩蕩實難名
快遇長春節欣攄效順情
年光三月麗宮殿
百花明共祝

齊天壽寓呼滿鳳城

其十

萬壽詩 七言排律二十六韻

翰林院庶吉士臣林昂

聖德覃敷匝八方綿綿景祚萬年長天開寶曆符元會
化啟鴻圖集籙籙紫氣綢緼雲是慶青陽鼓動
物皆芳協風披拂農祥應甘露霑穉穡事忙兩
曜騰輝聯璧彩五星同舍貫珠光山川封澹同
堯舜土宇恢宏陋漢唐久矣百神皆獻瑞猗歎
四海盡來王旅葵效命通西極馴雉輸忱貢越

裳人仰中天日方午政孚六合運初昌勤勞不
覺常宵旰訓誥皆堪作表坊文教優優超夏禹
武功烈烈駕殷湯聖經此日傳精奧正學千秋
賴憲章綵簇霞飛珍麗藻銀鈎鐵畫捧琳瑯天
弧拓處邊陲靖木鐸宣時大化翔才俊連升天
地泰賡歌交傲股肱良省方問俗民風悉勵節
懲貪國法張海外珊瑚多網得人中騏驥盡雲
驥仁流園土無拘繫祖賜窮黎有蓋藏手握三

才叅造化人遊四序並春陽嘉辰聿至休徵集
花甲初周福履將壽比岡陵長有道籌添海屋
自無疆衢歌巷舞

皇情豫鑿井耕田庶事康世樂昇平民皞皞史書大有
歲穰穰芝房擢秀

楓宸側雲漢昭回

黼座旁

聖主隆恩同覆載微臣報荅愧毫芒願隨鴈鷺

丹墀下率舞年年慶未央

萬壽長春詞

有序

翰林院庶吉士臣杜詔

蓋聞鳳曆常新樂製雲韶之曲鸞音競奏歌傳
燕喜之詞六舞交陳萬歲樂韻諧玉琯四聲互
叶萬年春響應黃鍾凡以歌詠太平發揚至德
者也欽惟我

皇上御極之五十二年歲紀昭陽律吹姑洗當六旬之
聖旦錫福寰區屆普慶之良辰騰懽

輦轂九州父老扶杖偕來四國人文觀光畢至既請
建亭而未許屢上

尊號而弗居豈盛美尚待鋪揚而休明聿成鼓吹自南
郊雪霽日麗青旂正上苑花開春深

紫禁碧天上携來曉露風前紅杏林邊宛若秋香
月裏滿鳳城為懽笑錦市千門徧鸞掖以喧傳

瑤箋百幅臣詔受

恩彌至戴

德滋深昨歲路指蓬山思登瀛而尚遠今者身依芸署
共簪筆以俱來喜倍羣情欣逢

萬壽金莖珠綴愧乏三唐應制之篇螭拍鶯簧竊擬兩
宋倚聲之作詞成十闋祝效三多

青帝東迴載一色青旂春自天來

駕乘鸞輅響動春雷不煩畫鼓聲催有非常春色介春
酒

萬壽筵開重徘徊恍風微殿角身在蓬萊 回頭五雲深

處看紅杏枝枝早倚雲裁百和香濃九華光爛
金莖露泛霞杯聽宮壺滴罷笙歌滿花柳成隈

繡成堆徧九州四野共樂春臺

右調春從
天上來

青陽歌裏懽聲鬧說今歲風光好雪痕消去紅
雲罩徧萬戶千門曉望紫氣綢繆繚繞柳條
上春風來了吹得

禁林春滿日暖花含笑

右調迎
春樂

紫禁日華東旭日曛曛曉光融鳴珂夾道躍花驄香

霧散翠煙濃瑞氣高浮雙闕迥是五鳳樓中

啟重重玉殿玲瓏千行仙仗萬條宮燭早朝人

立東風方共慶

聖人生日花甲喜初逢逡巡拜手徹地呼嵩

右調鳳樓春

春滿上林如繡正爛熳百花開後四圍疊嶂重

裊翠絲絲宮牆御柳 秋千影裏弄永晝看太

液綠波紅綉

湛恩汪濊如春恰剛逢暢春時候

右調上林春

萬年枝上露，
滬日華仙掌。
樂奏雲門酒，
進霞觴。
誰劈花牋，
鼓吹文明意。
多在春風白玉堂。
聽得幾聲靈鵲，
分明栖海棠。
可待來朝芍藥吟成。

後香案前頭侍

玉皇

右調玉
堂春

嘉蓮上日吐

丹宸竒葩獻歲新，
杏花時節曲江濱。
偏多折桂人，玉兔早看呈素彩。
金波先為洗香塵。
正是風柔夜

暖瓊樓

天上春

右調月
宮春

九天風露五雲高
年年開碧桃
況逢燕喜共趨朝
桃花春更饒
依輦路映宮袍
明霞籠絳霄
三千結實在今朝
莫階瞻

帝堯

右調碧
桃春

風送暖日籠晴
百花明夾路
紅燈簇錦棚
滿春城
盡是

九重春色傳來萬戶春聲共說長安春正好樂昇平

右調

春光好

倚天樓閣揭天絲管好景春三須知此日普天
同慶第一是江南 蠲租詔後還喜丹鳳書銜
月明淮水風移海甸

天賜史清燕

右調慶春時

何況

殊恩身被曾玉局細書八年來矣思昨歲今朝簪花猶

未忽聽句牖讀書廁中秘
承平樂事須記方
殿上稱觴載歌春喜翻樂府新聲紅牙初試願祝長

春萬年自今始

右調慶
春澤

--	--	--	--	--	--	--	--	--

萬壽詩七言律二首

翰林院庶吉士臣鮑開

皇帝垂裳御八方車書一統邁陶唐

武功文德乾坤大

厚澤深仁海岳長

玉陛和風披綠野金城暖日麗扶桑今朝率土齊聲
祝

萬歲三呼進壽觴其一

金殿祥光徹九天鬱葱佳氣滿山川
三春好景惟三月萬姓同心祝

萬年春舞衢歌聲欲徧鶯啼花笑樂無邊

宸遊更奏南薰曲一派簫韶奉

御筵 其二

萬壽詩

七言律二首

翰林院庶吉士臣孟班

欣逢

聖節慶昌辰億載鴻基始
六旬九陌歡呼雷出地千官
拜舞日長春雲凝

紫殿來重譯露湛

彤庭列遠臣五十二年

堯舜歷

躬膺百福歲華新

其一

雲璈一闕擬蓬萊
南極芒高映斗魁
玉燭光浮青瑣闥
金莖露泛紫霞杯

宸顏有喜禎符集

聖壽無疆泰運開
欲效九如陳頌祝

微臣

愧乏揆天才

其二

萬壽詩 七言律二首

翰林院庶吉士 臣楊祖楫

鶯花三月滿

皇州雙闕晴開拜

玉旒王會廣陳重譯貢樂音遙和萬民謳盈衢酒泛仙
盤露比屋香添碧海籌十載

特行文武試鳳麟長向網中收 其一

元日嘉蓮發

紫宸早回薰律啟

昌辰福釐自徧羣黎德德歌頌難酬

聖主仁徽號同聲歸

黼座

謙尊三度謝廷臣更無一物堪持獻惟願禎符歲歲新

其二

萬壽賦

以萬壽無疆普天同慶為韻

翰林院庶吉士臣徐杞

聖德同天眷膺萬壽感格神人化育宇宙蕩蕩巍巍貞
恒永懋追羲軒以頡頏並唐虞而馳驟星迴躔
次方行五分之餘厯視璇璣始兆一周之候若
乃祥開蓂莢瑞叶球圖流虹繞電貫月吞珠神
光鬱於寶室紫氣映於雲衢固知

受籙之最久誠為前古之所無通晝夜於萬年奚待松

喬之術合翕闢於兩大何須金石之書原其備
福而受釐咸本業隆而德建制作遵為規模典
型垂為章憲振聲教於遐荒慶清寧之永奠揆
文奮武績已邁夫五三貢賚獻琛國寧止於千
萬

上天之保佑維殷下土之尊親競勸至若教養具軫恤
彰蠲賦稅省桁楊旣春臺之溫煦亦化日之舒
長觀河而五老覲於霞表巡方而嵩嶽拜於巖

傍頌聖來夫華叟作人超夫周王宜寰區之懽
忭願奕禩而無疆爾乃遲日暄妍庶物揚詡燕
語鶯啼花明柳嫵吹來習習無非解愠之風散
作絲絲悉是作甘之雨

彤庭則拜手賡歌綠野亦頓足起舞岡陵之詠方新
滲漑之恩更普亦有遐邦遠甸瞻海來同上真
列宰降自蒼穹鮮鶴翔於金闕青鸞集於瑤宮
八千歲靈椿歲蕤始綠三千年桃樹的皪初紅

莫不應瑞而生輝效順而呈慶相忘帝力只知
發耕鑿之歌共戴天長不必進軒轅之鏡若夫
傳之金石載在簡編箕疇之稱百福風詩之頌
億年鴻禧之克承者由德而降鑿之肇錫也自
天方將樂太平之浩蕩誇景福之芊綿每屆三
春祝三多而踴躍遠過萬歲偕萬姓以喧闐小
臣濡翰以紀事大哉無得而名焉

萬壽盛典初集卷九十一

欽定四庫全書

萬壽盛典初集卷九十二

歌頌三十二 詞臣二十四

萬壽詩 四言八首

翰林院庶吉士臣錢廷獻

春日載陽

聖人萬壽乾坤清寧川岳澄秀百神懷柔翼衛左右元
氣氤氳爰保爰祐和風翕習敷華錯繡金石肆

陳簫韶迭奏鳳巢於閣麟遊於囿載賡載歌共
樂永晝 其一

欽惟

帝德其仁如天并包巨細萬物覆焉湛恩汪濊漸漬綿
延飲和食德煦育於全橫被六合周浹八埏熙
熙皞皞食息惟便式歌且舞踴躍駢闐祝我

君王億萬斯年 其二

行健惟天至誠無息三才萬象全體太極夙夜

孜孜旦明翼翼巍巍成功顯顯令德自西自東
自南自北六合內外歸我邦域君子勞心小人
勞力世道淳和永以為則 其三

結繩代遠肇始文字言以旌心辭原達意作述
相承同工異致

聖人天縱周情孔思麟麟炳炳經天緯地焜耀瓊林輝
映寶肆倬彼雲漢小大咸識遐齡寵錫載筆恭

紀其四

天命幽遠監觀有常

聖人敬德格彼穹蒼體信達順視履考祥郊壇殷薦圭

璧笙簧禮明樂備裔裔皇皇時雨而雨時暘而

暘介茲景福其樂未央

小臣

矢歌

萬壽無疆

其五

芒芒九州芸芸赤子惟耕與桑衣食視此男女
效績不勤何恃載筐及筐秉耒荷耜經營

聖心圖繪終始物阜年豐風清俗美遵道遵路遐邇同

軌

一人有慶萬年燕喜

其六

聖學昌明有覺羣蒙淵源堯舜法式周孔庶民既興是
戒是董一心樞機萬物網總河海汪洋山岳寵
從百家泛濫回轉濛濛貫徹天人勅幾言動膺

圖受錄萬億垂統

其七

化洽萬方韜垂三畧

廟算廣淵

欽定四庫全書

萬壽盛典初集

三

睿謀運度師出以律風雲揮霍德威惟畏荒徼絕漠載
贄稱臣虔恭謹恪草木向榮民物康樂開闢以

來增其式廓悠久無疆躋堂進爵

其八

萬壽詩

七言律二首

翰林院庶吉士臣周天祐

春風左个駕蒼龍
萬派笙歌列鼎鐘
川嶽綿長開泰運
升恒永麗祝華封
金莖仙掌浮甘露
玉殿祥雲出紫峰
累洽重熙歡舞日
共看青鳥滿

青松其一

中外欣逢

大慶時麟遊郊
敷鳳來儀千秋日
麗懸金鑑萬國星

馳獻紫芝天保已賡民作頌地泉應出醴盈卮
百神效順齊歡忭翊戴

皇躬億萬期

其二

萬壽詩

五言排律二十四韻

翰林院庶吉士臣程夢星

晴旭融閭闔和風布海陸羣倫安覆載萬象仰
軒羲雨露恩同溥江河澤並瀾

天心惟浩浩閭巷總熙熙
旰食勤民隱宵衣緝聖規
苞符開泰運疇範集純禧
郊藪祥麟見梧桐翠鳳
儀星雲昭上瑞魚鳥沐弘慈
樂利人胥悅生成物不遺

文謨彰至治

武烈擴丕基政與刑皆理威將德互施敷求恒若渴鑿
別本無私迪教興多士親賢勵百司兩河安奠
日四海會同時

廣運誰能測

謙冲每自持六旬逢

誕節八表慶

昌期地闢春臺敞天開化日遲千林攢錦繡百卉挺葳

綈綵仗排雙闕香煙繞九達歡聲聯遠邇喜氣
接高卑張樂聞韶濩分班列鷓鴣幸登仁壽域

仰睹

聖神姿綉帙陳金鏡瓊漿酌玉卮葵忱輸不盡載詠九
如詩

萬壽詩

七言律四首
有序

翰林院庶吉士臣薄海

皇上御極之五十有二年太和保合景福滂洋易俗移
風百化興而三才正阜財豐物五辰撫而庶績
凝藏山秘澤之珍月呈嘉瑞甘露醴泉之液時
載祥編天下皆春日中並照王民皞皞治偕上
下而同流

帝德巍巍道共乾坤而立極則誠登三歲五軼後超前

矣蓋由我

皇上

睿智聰明

聖神文武

紀綱六合體覆載之無私

經緯三階運陰陽而不測

察倫明物作之君而作之師

本身徵民賢於堯而賢於舜集大成之道統建盡善

之治功以惠鮮懷保之實心受戩穀罄宜之第
祿包舉六氣而藏諸用發育萬物而顯諸仁有
如燔柴昭事之儀必

親對越追遠薦馨之祀倍極精誠定省時勤

孝敬通於國政博庸備至

惠愛浹於天潢崇往聖而覺烝民重先儒而倡正學
訓士子以維風教廣貢額以勵人材海宇澄清

膠庠敦讓

宵衣旰食則綱舉目張

頒爵授官則考言詢事一命以上見諸

殿陛之間萬里而遙若在戶庭之內褒榮勲閔即採

錄其子孫圖任舊臣每保全其終始

欽恤民命常垂寬釋之仁

念切農功頻下賑蠲之詔

霈敷天之湛露遞賜田租酌太倉之餘糧并留漕輓數
輒盈於千萬施不靳於再三兌澤滂沱立見禾

苗之長異風發越潛消水旱之愆

鑿輅西巡周岳盡懷柔之典

翠華南幸閱河傳疏濬之方弧矢之利取諸睽禮樂之興取諸豫遂乃坐八窓而朝萬國平三逆而定九州剪沙漠之渠魁

天威震地奠宗社於磐石

睿算如神鰥至鵜來茅歸楛入凡在燾養罔弗尊親若夫

右文稽古

濡史涵經發摠義理之章陶詠性情之什莫不參贊
天地燦列星辰而

御藻淋漓

奎鉤炳耀則又衆法咸備四表光昭矣茲當陽春三月
恭逢

聖壽六旬日抱紅輝雲叢紫靄五十二年之

仁恩閎澤如海之深萬八千歲之景運洪符同天之久

輦賫航琛者萬國
颺言拜手者盈廷
臣海賦材
謗薄秉質顓蒙兩世俱叨

國恩未効涓埃之報
一門皆忝中秘常存
銜戴之心今
遇

萬壽無疆甚幸

一人有慶敬上升恒之祝
畧申芹曝之忱
臣海拜手稽
首而獻詩曰

萬年天子太平基
御宿光芒映赤墀
受錄綿長

仁者壽垂衣端拱

聖之時騰歡爭納梯航貢拜手齊賡喜起詞甲子初周

元會始九州民物盡雍熙

其一

執中衢室建鴻名玉振金聲集大成參贊六經
興禮樂並隆三代啟文明

德馨上達

天心順儒術尊崇聖教行齊上春臺躋壽域青陽開動物

由庚

其二

韎韐親征

聖武昭威加塞外
版圖遙虞廷
干羽三苗格
周室車書

九譯朝

法駕時巡人震疊
大田蠲賦野豳饒
成功永固

皇王緒宵旰
乾乾勅百寮

其三

華燈錦幄接

楓宸寶地琳宮祝

聖頻太液波晴
三月曉上林風暖
百花春雲開南極星

辰麗節屆東皇雨露新

睿算如天長受祿年年颺拜效尊親 其四

萬壽詩 七言律三首

翰林院庶吉士臣易簡

勾陳綵仗煥晨光
仙珮聲聞列雁行
萬里堯天周甲子
九重舜日麗文章
玉階春永祥萱盛
金殿風和廣樂張
喜見

聖朝隆景運上林應有鳳來翔

其一

乾元首出正當陽
斗極星羅共八荒
風動時雍民擊壤
化成久道

帝垂裳菁莪造士歌雲漢雨露生春到井疆

大澤更流山海外殊方萬里盡梯航

其二

龐眉不見海波揚又聽三呼嵩嶽傍

聖德儉勤同大禹

治功魏煥協陶唐欲陳金鏡千秋錄再進流霞九醞觴

寰宇盡歸熙皞日

小臣

拜手祝無疆

其三

萬壽詩

五言排律十八韻

翰林院庶吉士臣漆紹文

帝德符乾健時乘運獨隆勲華綿道脉化育贊元功
典學先持敬綏猷允執中探書搜委宛訪道陟

崆峒

御藻千秋煥

天章八法融研精披奧旨舉義發羣蒙

勤政咨民隱

巡方問歲豐江河疏上下疆理辨南東懋建平成績長
貽樂利風蠲租踰漢宋頌德徧兒童觀國收羣

策

臨軒達四聰喜聲喧赤縣瑞靄塞蒼穹大順承天眷蕃

釐集

聖躬函闕佳氣繞瑤島慶雲籠景命川方至鴻基嶽永

崇

一人膺保定萬國仰併幪樛質曾何補葵心夙矢忠欣

隨駕鷺末稽首效呼嵩

萬壽詩七言律二首

翰林院庶吉士臣王夢旭

皇圖長鞏壯山河風不鳴條海不波地利桑麻書歲稔

天章雲漢作人多九霄日月同光被萬國衣冠

盡協和蕩蕩難名惟擊壤欣聞復旦接衢歌其一

一

玉墀初曙日曛曛慶洽千官虎拜同雨足三春宮草

綠雲飛五朶殿頭紅祥光南極星輝煜曉色西

山氣鬱葱獻壽亦隨駕騶駘後萬年歡舞

聖恩中 其二

萬壽詩 七言律四首

翰林院庶吉士臣顧嗣立

昌期桃報瑤池熟瑞應星回銀漢流

百福聖人方建極

萬年天子共揚休曠曠日月神州麗錦繡山河珠闕浮

西苑薰風通

紫禁管絃到處起歌謳其一

西峯深秀翠屏橫市列街衢簇

輦行巷舞影連萬戶井山呼聲徹

九重城香飄花柳邀金勒春練雲霞上綵旌士庶熙熙

同壽域爭將芹曝荅昇平

其二

羣工三祝玉階邊

功德巍巍景福全靜極固知

仁者壽

乾行莫測健如天八方劍佩環

宸極重譯梯航拜仗前萬國車書今渾一海隅日出徧

祥煙其三

七年給札步

彤墀令節隨行進玉卮

異數特憐五夜燭

新恩許託萬年枝白環銀甕清時瑞綉帙牙籤

聖德詩惟願

皇躬長介福岡陵永護太平基

其四

萬壽詩

七言排律十六韻

翰林院庶吉士臣春山

今古疇圖屬

聖明羣工亮采荷恩榮治功獨運恢弘業道統相傳集
大成欽恤刑章開一面痼瘵民力緩三征施仁
時灑甘霖潤照物高懸玉鏡清四國邊陲烽火
靖二儀法象泰階平春秋省助年長稔河海疏
排水不驚寒暑無咨頌粟帛銓除式序慎權衡

欽定四庫全書

萬壽盛典初集
卷九十二

十六

氣含飛動鳴崗鳳韻入風詩語禁鶯五夜繙書
羅典籍兩闡取士拔奇英

龍旗出塞瞻天躍

翠輦巡方夾仗迎

駐蹕雲山搜澗壑

端居樓閣愛蓬瀛其旋會見千祥集廸吉從教百祿盈
自此無疆開歷數從來不息配天行臣民永慶
貞元會中外均懷覆載情渚欲流虹環瑞日星

皆拱極接長庚拜稽敬進升恒頌微末難申獻
曝誠



萬壽盛典初集卷九十二